

力也夏四月王幸九齊親試諸生經義命公讀卷取
李唐等七人賜及第已酉夏同知貢舉取柳伯濡等
三十三人始用中朝科舉易書通考之法初恭愍王
為魯國公主構影殿于王輪寺之東窮奢極麗數年
不就更相地於馬巖之西尤極宏壯勞費鉅萬侍中
柳濯謂同知密直安克仁簽書密直鄭思道曰馬巖
之役非止勞民傷財術士有言營作于此不利於國
予以不才監長百官不憂社稷可乎寧以死諫乃上
書極言不可王大怒下濯等獄欲以事誅之命公製
諭衆文公請罪名王曰久為首相多行不義致天大

旱一也糞埃福寺田二也魯國之歲三日闕祭三也
其葬降用永和公主之例四也不忠不義孰大於此
公對曰此皆既往事也近日濯等上書請停影殿之
役雖以四事罪之國人皆以為上書之故且此四事
皆非可殺之罪也願更思之王益怒促愈急公伏曰
臣寧得罪安敢為文以成其罪且上書之事領都僉
議亦知之時辛旽為領都僉議極寵幸用事方在王
側旽不得已乃曰老臣亦知之但以王怒不敢告耳
王命侍中李春富封國印春富悅伏不敢進旽曰宜
令言者封之乃命公恐王益怒乃言封曰臣謹

封王曰以予否德不從予言持此去求有德者事之
我太祖初豈王孫武子避位矣乃移居定妃宮不許
進膳翌日晚欲解王怒啓王下公獄責問坐以不從
王命公曰臣自布衣濫蒙主知驟至宰相謂有可以
益上德者至死力言之以報萬一今抑侍中在縷綬
臣敢盡言無罪者欲王動心省悟以不濫殺大臣也
因泣下曰臣之泣非畏死但恐因此一失王之名不
美於後世也獄官具以聞王遂感悟放濯茅出使公
沐浴而朝辛亥知真舉取金潛等三十三人秋拜政
堂文學加文忠保節贊化功臣之號時我太上王為

知門下事恭愍王謂近臣曰近日物議如何對曰皆
言國家得人王笑曰文武皆用第一流以為宰相誰
敢議之蓋自多同日泣用兩賢也王每召公及星
山李仁獲入內必令左右洒掃焚香俸僧神照白王
曰君見臣何以致敬如此王曰爾何知此二公道德
非庸儒且穉學問舍肥膚而得骨髓者也雖中國亦
罕比焉敢慢之哉蓋王嘗入侍帝庭聞朝中縉紳稱
譽公有素故云然九月丁母遼陽縣君憂明年壬子
六月王命起復政堂文學以疾諱癸丑冬封韓山君
階大匡甲寅秋恭愍王薨公自遼陽之逝哀毀成疾

中惡嘔泄聞王薨愈薦杜門卧者七八年間奉旨銘
指空懶翁二和尚浮屠其徒因多往來于門凡求詩
文和者輒應頗有佞佛之譏公聞之曰彼謂追福君
親予不敢拒也丁巳加推忠保節同德贊化功臣之
稱領藝文春秋館事壬戌拜三重大匡判三司事癸
亥復封韓山君甲子加封韓山府院君乙丑拜壁上
三韓三重大匡檢校門下侍中丙寅知貢舉取孟思
誠等三十三人戊辰朝廷欲置鐵嶺衛侍中崔瑩當
國用事舉兵謀攻遼我太上王舉義回軍執退瑩起
公為門下侍中公曰今國家有憂非王及執政親朝

無以辨之王幼不能行是老夫之責也即自請如京
王及國人皆以公老且病固之公曰臣以布衣位
至極品常欲以死報之今得死所矣設死道路以死
將命苟得達國命於天子雖死猶生入朝于京師高
皇帝嘉賚有加優禮以遣已已還國秋請退拜判門
下府事冬恭讓君立忘公者勅賜長湍庚午四月貶
咸昌五月誣以遺棄初于上國逮繫公等數十人于
清州鞠問甚峻事叵測公曰死生天也當順義命身
處之自若也後數日黎明始雨未及日中山崩水涌
壞城門漲入屋舍皆沒問事官漂溺攀樹木僅免驛

聞于國釋不問自有是州未嘗有水災如此之劇皆以謂公忠誠所感也時王素知公無他累次召還為忌公者所劾輒見斥逐人有譏公往來不憚煩者又有為公危之欲其稱疾毋行者辛未冬又自咸昌被召而來門人權近亦貶忠州路見公以所聞於人者告之公曰是則詐也人臣之道唯君所命召之則來禫之則去死且不避往來何恤焉既至復封韓山府院君壬申四月復舉於州六月從驪興七月我太上王即位忌公者欲加極刑公曰吾平生不妄語敢誣服乎雖死吾為直鬼也語聞王察其情特原之移置長

興府賴公身活者多冬有敗韓州自恭讓初年忌公者屢以計必欲置之死地王輒救之得全及是忌公者不敢復施其計乙亥秋游開東入五臺山因留居之王遣使召返復封韓山進見而退送至中門待以故舊之禮丙子公年六十九夏五月請往驪江避暑將登舟疾作召男種善于京城初七日疾革有僧進語其直公舉手揮之曰死生之理吾無疑矣言訖而卒訃聞王悼甚輟膳停朝三日遣使吊祭賻贈有加謚文靖公十月子孫奉柩歸于韓州十一月甲寅葬于加智之原公天資明睿學問精博處事詳明秉心

寬恕議論可否明白簡切而必主於忠厚待人接物
謙恭愷悌和氣油然而栗乎不可犯其為宰相務遵
成憲不喜紛更而持大体忠君愛親之念至老不衰
每形於辭色現於詩文勉進後學必以倫理為主學
學不倦博覽群書尤深於理學凡為文章操筆即書
如風行水流略無疑滯而辭義精到格律高古浩
滔如江河注海有集詩三十五卷文二十卷自元
季至正癸巳至皇朝洪武巳巳數十年間掌國文翰
多更变故險難之際能修詞命屢見嘉嘆及公貶斥
忌公者典文始以表辭見責於帝則公之文章智識

有補於世如此惜恭愷徒知致敬而不能盡用其言
後長百寮而未幾罷免遂見詆姍經濟之學卒莫大
施天也為家不問有無費雖至屢空不以動心平生
無疾言遽色家人僕隸或有失必徐以理曉譬之未
嘗加以怒言尊俎之間油然而處亦不及亂襟懷
洒落言動從容喜怒不形圭角不露渾是一團和氣
以居寵利而不見其驕盈晚遭屯難而不見其隕獲
縷紼非辱圭組非榮公之操存守履亦可謂確乎不
拔者矣公三男長曰種德推誠翊衛切臣奉翊大夫
知密直司事次曰種學奉翊大夫簽書密直司事丙

辰進士戊辰掌成均試已已知貢舉皆先公卒次日
種善中正大夫典校令知制誥壬戌進士密直男四
長曰孟暉中頭大夫監門衛大護軍曰孟昉承奉郎
考功佐郎乙丑進士曰孟岐壬申進士曰孟昉仁德
宮司消文二長適通政大夫承樞府右副代言柳沂
次適中訓大夫宗簿令河以簽書男六長曰并野朝
奉大夫司宰少監曰叔畦成均生負曰并當虎勇巡
衛司副司直曰并畝朝散大夫司水少監曰并福成
均生負曰叔時幼女二長適乙丑李漸次幼典校男
一曰李疇曾孫男七人女九人

陽村先生文集卷之四

9289

19

39136

景印參百部
第二九三號

昭和十二年三月二十八日印刷
昭和十二年三月三十一日發行

(朝鮮史料叢刊第十三集付)

朝鮮總督府

京城府蓬萊町三ノ六二番地

印刷所 朝鮮印刷株式會社

寄贈
東洋院
13. 4. 30
圖書館

2840

19

1891

卷之二
第廿三號

時報
第廿三號

第廿三號

国立国会図書館

